



## ORDE DO 27 DE DECEMBRO DE 2018, POLA QUE SE APROBA O PLAN ANUAL DE ACTUACIÓN DO INSTITUTO GALEGO DE ESTATÍSTICA PARA 2019.

O Decreto 60/2016, do 26 de maio, polo que se aproba o Estatuto do organismo autónomo Instituto Galego de Estatística (IGE), desenvolve as previsións da Lei 16/2010, do 17 de decembro, de organización e funcionamento da Administración xeral e do sector público autonómico (LOFAXGA), en coherencia coa Lei 9/1988 de estatística de Galicia (LEG) e co resto da normativa específica da Comunidade Autónoma na materia.

Segundo se ordena na LOFAXGA, os organismos autónomos desenvolverán a súa actividade consonte un Plan anual de actuación, que será aprobado por orde da consellería de adscrición. En aplicación da LEG e do Decreto 129/2015, do 8 de outubro, polo que se fixa a estrutura orgánica das consellerías da Xunta de Galicia, o IGE está adscrito á Consellería de Facenda.

As tarefas encomendadas ao IGE no Plan anual de actuación sumaranse ás que se lle asignen no decreto polo que se aproba o Programa estatístico anual da Comunidade Autónoma, tal e como se prevé no artigo 9 da LEG e no capítulo II do título I da Lei 15/2016, do 28 de xullo, do Plan galego de estatística 2017-2021.

O Consello Galego de Estatística, creado no artigo 45 da LEG como órgano superior consultivo da actividade estatística, e o Consello Reitor, previsto no artigo 63 da LOFAXGA como órgano superior de goberno do IGE, aprobarán os resultados da actividade anual do IGE, dentro dos seus respectivos ámbitos competenciais.

En canto aos recursos asignados para conseguir os obxectivos previstos, corresponderá ao Consello Reitor aprobar o anteproxecto de orzamentos e a proposta de relación de postos de traballo do IGE.

Con base en todo o anterior,



## DISPOÑO:

### Artigo 1 *Obxecto*

A presente orde ten por obxecto aprobar o Plan anual de actuación do Instituto Galego de Estatística para 2019.

### Artigo 2. *Contido*

O IGE, como soporte e complemento das actuacións que se lle encomenden no Programa estatístico anual, realizará no 2019 as seguintes:

#### 1. Coordinación do sistema estatístico galego

- Recollida de coordenadas xeográficas das unidades estatísticas
- Recompilación de datos de emprego non dispoñibles no directorio de empresas e unidades locais para os establecementos dependentes da administración autonómica

#### 2. Difusión, comunicación e atención aos usuarios

- Participación en congresos e xornadas
- Xestión de fondos da biblioteca do IGE

#### 3. Cursos, seminarios e outras actividades formativas e divulgativas

- Cursos impartidos na Escola Galega de Administración Pública (EGAP)
- Colaboración coa Sociedade Galega para a Promoción da Estatística e da Investigación de Operacións (SGAPEIO) no IX Concurso incubadora de sondaxes e experimentos
- Participación do IGE na XIII Feira matemática da Asociación Galega de Profesores de Educación Matemática (AGAPEMA)
- Prácticas de alumnos das universidades galegas
- Xornadas de portas abertas
- VIII Xornadas de análise input-output. Organización do segundo encontro da estatística oficial no marco input-output
- Participación na organización do XIV Congreso da SGAPEIO
- Seminarios informativos para as oposicións á escala superior de estatística



#### 4. Outras actividades

- Apoio á Axencia Tributaria de Galicia (ATRIGA) na valoración de bens inmobilés para a orde de valoración de bens dalgúns tributos
- Participación na estimación da recadación das principais figuras tributarias da Comunidade Autónoma
- Microsimulación de impactos no IRPF
- Axencias de Rating: exposición da situación da economía galega e perspectivas
- Informe sobre a posición cíclica da economía galega
- Informe de impacto de xénero dos orzamentos xerais da Comunidade Autónoma
- Colaboración no Informe económico-financeiro dos orzamentos xerais da Comunidade Autónoma
- Informe para a AIReF coas previsións macroeconómicas a incluír nos orzamentos xerais da Comunidade Autónoma
- Participación no grupo de traballo da AIReF sobre elaboración de metodoloxía para obter cadros macroeconómicos rexionais
- Análise do sistema de indicadores estatísticos da Axenda 2030 para o desenvolvemento sostible en Galicia
- Estudo sobre a aplicación de modelos de equilibrio xeral dinámico estocástico na economía galega
- Apoio á avaliación do Programa de desenvolvemento rural de Galicia 2014-2020
- Enquisa sobre a percepción da competencia en Galicia
- Oposicións á escala superior de estatística

#### Artigo 3. *Recursos orzamentarios*

Para realizar as actuacións deste plan e as que se lle encomenden no programa estatístico do mesmo ano, o IGE contará cos recursos previstos nos orzamentos xerais da Comunidade Autónoma.

#### Artigo 4. *Recursos persoais*

En desenvolvemento da estrutura organizativa do IGE, regulada na sección III do capítulo II do Anexo do seu Estatuto, os postos de traballo do IGE son os



previstos na súa relación de postos de traballo, publicada como Resolución do 12 de maio de 2017 (DOG nº 97, do 23 de maio).

Disposición derradeira única. *Efectos*

A presente orde terá efectos dende o 1 de xaneiro de 2019.

Santiago de Compostela, 27 de decembro de 2018

Valeriano Martínez García

CONSELLERÍA DE  
XUNTA DE GALICIA  
FACENDA

Valeriano Martínez García

Conselleiro de Facenda